

# INUIT ATAQATIGIIT

## Inatsisartuni



Nuuk, 12. december 2017

Inatsisartut Suleriaasianni § 37 naapertorlugu apeqqutit uku Naalakkersuisunut saqqummiuppakka:

- 1. Pisassiissutit politikikkut attuumassuteqanngitsumilluunniit nalilersuinikkut agguanneqartarnissaat sorleq Naalakkersuisut naapertuunnerusutut isigaat?**
- 2. Periutsit taakku marluk tamarmik immikkut suna pitsaaqutigaat, sunalu pitsaanngequtigaat?**
- 3. Politikikkut pisassiissutinik agguaassisarnissani attumaassuteqannginnissamik periuseq ersarissumillu ingerlatsinissaq qanoq qulakkeerniarneqalersaarpat?**
- 4. Siunissami ingerlatsisut arlaqartut pisassanut assigiinnut ingerlatsisut tamarmik akitsuutinik atuuttunik akiliisinnaassuseqarnissaannut tungasunik Naalakkersuisut isumakuluuteqarpap?**
- 5. Pisassiinermut atatillugu assigiinngisinneqartutut misigisimanermut attuumassuteqartumik Naalakkersuisut maanna eqqartuussivimmi suliassanngortinneqarneranik ingerlasoqarpa?**

(Inatsisartunut ilaasortaq Aaja Chemnitz Larsen, Inuit Ataqatigiit)

### **Tunngavilersuut:**

Naalakkersuisut aalisarnermik aaqqissuusseqqinnissaq pillugu siunnersuutaat Inatsisartut 2017-imi ukiaanerani ataatsimiinneranni suliarineqarpoq. Tassuunakkut aalisarnermut tunngasuni arlalinnik allannguisoqarnissaa siunniunneqarpoq, ilaatigut pisassiissutit inunnet amerlanerusunut agguanneqartalernissaat kissaatigineqarluni.

Ataatsimut pisuussutitta nungusaataanngitsumik toqqammaveqartumik piniarneqartarnissaat Inuit Ataqatigiit pingaartittuarpaat. Peqatigisaanillu aalisarnermik inatsisissamik Inatsisartuni suliarinninnermi inuiaqatigiit aningaasaqarnerannut kinguneqaatissanik aarleqquteqarnerput oqaatigaarput.

Inuussutissarsiummik inuiaqatigiinnut kalaallinut taamak pingaaruteqartigisumi annertuumik allanngortitsinermi isumaliutit tamaasa isumaliutigineqareersimanissaat pingaaruteqarpoq. Aamma pisassanik agguaassinernut akitsuutinullu akiliinermut tunngatillugu.

Apeqqutima ullut qulit ingerlaneranni akineqarnissaat kissaatigaara.